



## **XALQ DEPUTATLARI QO'SHRABOT TUMAN KENGASHI QARORI**

140900, Qo'shrabot sh., G'afur G'ulom ko'chasi, 3-uy, tel: (0-366) 646-15-18, e-mail: [goshrabot.t@exat.uz](mailto:goshrabot.t@exat.uz)

2022 - yil 4 - mart

VI-38-30-7-97-K/22

Qo'shrabot tuman hokimligi

### **Tadbirkorlikni rivojlantirish, aholi bandligini ta'minlash va kambag'allikni qisqartirish masalalari bo'yicha MFYlardagi hokim yordamchilari faoliyatining natijadorligini o'rganish hamda o'rganish natijalarini holati haqidagi axboroti**

O'zbekiston Respublikasi Prezidenti raisligida 2022-yil 15-yanvar kuni "Mahallabay ishslashning yangi tizimini yo'lga qo'yish va aholi bandligini ta'minlash bo'yicha 2022-yildagi ustuvor vazifalari"ga bag'ishlangan videoselektor yig'ilishida mahallalarga biriktirilgan hokim yordamchilari faoliyatiga alohida to'xtalib o'tib bir qator topshiriqlar berilganligi. Jumladan, joylardagi ijtimoiy-iqtisodiy holati og'ir bo'lgan mahallalarni obod qilish, aholi uchun munosib turmush sharoitini yaratish, kommunal sohadagi muammolarni bartaraf etish yuzasidan tegishli ko'rsatma va topshiriqlar berib o'tilgan.

Ushbu topshiriqlardan kelib chiqib O'zbekiston Respublikasi Prezidentining 2021-yil 3-dekabrdagi "Mahallada tadbirkorlikni rivojlantirish, aholi bandligini ta'minlash va kambag'allikni qisqartirish masalalari bo'yicha hokim yordamchilari faoliyatini tashkil etish chora-tadbirlari to'g'risida"gi PQ-31-sonli qarorining 19-bandida Xalq qabulxonalari tomonidan har oyda bir marotaba mahallalarda tadbirkorlikni rivojlantirish, aholi bandligini ta'minlash va kambag'allikni qisqartirish bo'yicha kelib tushayotgan murojaatlarni tahlil qilgan holda, hokim yordamchilari faoliyatining natijadorligini o'rganish, o'rganish natijalarini xalq deputatlari tuman Kengashlarida muhokama qilib borish amaliyotini yo'lga qo'yish topshirilgan.

Mazkur topshiriq ijrosini ta'minlash yuzasidan tumanda tashkil etilgan sektorlar hududi bo'yicha aholi muammolari va murojaatlari bilan ishslash ahvoli tahlil qilindi.

Jumladan, 2021-yil 12 oy davomida O'zbekiston Respublikasi Prezidentining Qo'shrabot tumanidagi Xalq qabulxonasiga;

1-sektor hududida joylashgan mahalla fuqarolar yig'inlari bo'yicha ("Qiyqim" MFYdan 34 ta, "Shovona" MFYdan 31 ta, "Qo'rg'on" MFYdan 29 ta, "Xonnazar"

MFYdan 28 ta, “Mayintepa” MFYdan 27 ta, “Yuqori-saroy” MFYdan 33 ta, “Quvkalla” MFYdan 24 ta, “Boyto‘p” MFYdan 28 ta, “Zarkent” MFYdan 27 ta va “Zarmitan” MFYdan 29 ta) jami 290 ta murojaatlar kelib tushgan, o‘tgan yil mos davriga nisbatan 36 ta murojaatga ko‘paygan.

2-sektor hududida joylashgan mahalla fuqarolar yig‘inlari bo‘yicha (“Jo‘s-h-ota” MFYdan 26 ta, “Chimmos” MFYdan 24 ta, “Katta-oqmachit” MFYdan 19 ta, “Yuqori-jo‘s” MFYdan 25 ta, “O‘rtasoy” MFYdan 22 ta, “Qo‘shtamg‘oli” MFYdan 28 ta, “Toz” MFYdan 23 ta, “Sorigul” MFYdan 20 ta, “Urganji” MFYdan 27 ta, “Yangiqishloq” MFYdan 23 ta, “Jonbulloq” MFYdan 24 ta va “Oqchopsoy” MFYdan 25 ta) jami 286 ta murojaatlar kelib tushgan, o‘tgan yil mos davriga nisbatan 43 ta murojaatga ko‘paygan.

3-sektor hududida joylashgan mahalla fuqarolar yig‘inlari bo‘yicha (“Chinoq” MFYdan 26 ta, “Minishkor” MFYdan 29 ta, “Sohibkor” MFYdan 31 ta, “Buloqboshi” MFYdan 28 ta, “Navkat” MFYdan 30 ta, “Qo‘shrabot” MFYdan 34 ta, “Qovunchi” MFYdan 33 ta, “Qoratosh” MFYdan 28 ta, “Shova” MFYdan 26 ta va “Pangat” MFYdan 29 ta) jami 294 ta murojaatlar kelib tushgan, o‘tgan yil mos davriga nisbatan 41 ta murojaatga ko‘paygan.

4-sektor hududida joylashgan mahalla fuqarolar yig‘inlari bo‘yicha (“Mustaqillik” MFYdan 29 ta, “Pichot” MFYdan 31 ta, “Qo‘rolos” MFYdan 30 ta, “Bozorjoy” MFYdan 28 ta, “Tegirmonovul” MFYdan 26 ta, “Ozod” MFYdan 25 ta, “Boypo‘rishli” MFYdan 26 ta, “Do‘slik” MFYdan 30 ta, “Chorloq” MFYdan 27 ta va “Buloq” MFYdan 24 ta) jami 276 ta murojaatlar kelib tushgan, o‘tgan yil mos davriga nisbatan 40 ta murojaatga ko‘paygan.

O‘zbekiston Respublikasi Prezidentining Virtual qabulxonasi va O‘zbekiston Respublikasi Prezidentining Qo‘shrabot tumanidagi Xalq qabulxonasi kelib tushayotgan murojaatlar tahlil qilingan holda, mahallalardagi hokim yordamchilari faoliyati o‘rganildi.

Bugungi kunda tumandagi 45 ta mahalla fuqarolar yig‘inlarida tadbirkorlikni rivojlantirish, aholi bandligini ta’minalash va kambag‘allikni qisqartirish masalalari bo‘yicha hokim yordamchilari o‘z faoliyatini boshlagan, ular tomonidan tumandagi 20481 ta xonadonlardan 18465 ta xonadonlar xatlovdan o‘tkazilgan. Shuningdek, hokim yordamchilari faoliyatining natijadorligini o‘rganish, o‘rganish natijalarini xalq deputatlari tuman Kengashlarida muhokama qilib borish amaliyotini yo‘lga qo‘yish maqsadida bir nechta hokim yordamchilari faoliyati monitoring o‘rganildi.

Jumladan; Tumandagi “Quvkalla” MFYda tadbirkorlikni rivojlantirish, aholi bandligini ta’minalash va kambag‘allikni qisqartirish masalalari bo‘yicha hokim yordamchisi K.Muxammadiyev tashabbusi bilan yil boshidan ushbu MFYda bir qancha

ijobiy ishlar amalga oshirilib kelinmoqda. Hususan; MFYdagi 447 ta xonadon xatlovdan o‘tkazilgan, hududdagi 2,3 km tuproq yo‘llarga qum-shag‘al yotqizilgan, 1 dona elektr transformator va 400 metr elektr uzatish tarmoqlari ta’mirdan chiqarilgan, 470 ta maishiy gaz balonlar aholiga o‘z vaqtida to‘ldirib berilgan, 9 ta fuqarolar o‘zini-o‘zi band qilgan, 186 nafar fuqarolar tibbiy ko‘rikdan o‘tkazilgan, 1 nafar fuqaro ish bilan ta’minlangan, 3 nafar fuqaroga imtiyozli kredit olish yuzasidan tavsiya berilgan.

“Chinoq” MFYdagi hokim yordamchisi B.Eshqobilov tashabbusi bilan ijobiy ishlar amalga oshirilib kelinmoqda. Jumladan; 298 ta xonadon xatlovdan o‘tkazilgan, 0,2 km tuproq yo‘llarga qum-shag‘al yotqizilgan, 1 dona elektr transformator va 200 metr elektr uzatish tarmoqlari ta’mirlangan, 300 ta maishiy gaz balonlar aholiga o‘z vaqtida to‘ldirib berilgan, 5 ta fuqarolar o‘zini-o‘zi band qilgan, 98 nafar fuqarolar tibbiy ko‘rikdan o‘tkazilgan, 1 ta kam ta’minlangan fuqarolarning uy-joylari ta’mirlab berilgan, 4 nafar fuqaroga imtiyozli kredit olish yuzasidan tavsiya berilgan.

“Boypurishli” MFYdagi hokim yordamchisi X.Mirzabekov tashabbusi bilan quyidagi ijobiy ishlar amalga oshirilib kelinmoqda. Jumladan; 310 ta xonadon xatlovdan o‘tkazilgan, 0,2 km tuproq yo‘llarga qum-shag‘al yotqizilgan, 1 dona elektr transformator va 300 metr elektr uzatish tarmoqlari ta’mirdan chiqarilgan, 440 ta maishiy gaz balonlar aholiga o‘z vaqtida to‘ldirib berilgan, 11 nafar fuqarolar o‘zini-o‘zi band qilgan, 133 nafar fuqarolar tibbiy ko‘rikdan o‘tkazilib 2 nafar fuqaroga viloyat klinikalarida davolanish uchun order berilgan.

“Mustaqillik” MFYdagi hokim yordamchisi U.Umirzaqov tashabbusi bilan ijobiy ishlar amalga oshirilib kelinmoqda. Jumladan; 421 ta xonadon xatlovdan o‘tkazilgan, 1 dona elektr transformator va 500 metr elektr uzatish tarmoqlari ta’mirdan chiqarilgan, 430 ta maishiy gaz balonlar aholiga o‘z vaqtida to‘ldirib berilgan, 0,5 km tabiiy gaz tarmoqlari ta’mirlangan, 10 ta fuqarolar o‘zini-o‘zi band qilgan, 125 nafar fuqarolar tibbiy ko‘rikdan o‘tkazilgan, 1 ta tadbirkorlik subyekti tashkil etilgan, 5 nafar fuqarolar ish bilan ta’minlangan, 23 nafar fuqaroga imtiyozli kredit olish yuzasidan tavsiya berilgan.

“Ozod” MFYdagi hokim yordamchisi X.O‘rolov tashabbusi bilan quyidagi ijobiy ishlar amalga oshirilib kelinmoqda. Jumladan; 473 ta xonadon xatlovdan o‘tkazilgan, 1 dona elektr transformator va 300 metr elektr uzatish tarmoqlari ta’mirdan chiqarilgan, 450 ta maishiy gaz balonlar aholiga o‘z vaqtida to‘ldirib berilgan, 3 ta fuqarolar o‘zini-o‘zi band qilgan, 86 nafar fuqarolar tibbiy ko‘rikdan o‘tkazilgan, 1 nafar fuqarolar ish bilan ta’minlangan, 6 nafar fuqaroga imtiyozli kredit olish yuzasidan tavsiya berilgan. Yuqoridagilarni inobatga olib, “Mahalliy davlat hokimiyati to‘g‘risida”gi O‘zbekiston Respublikasi Qonunining 24-moddasiga asosan, xalq deputatlari tuman Kengashining VI chaqiriq, XXXVIII sessiyasi

## QAROR QILADI:

1. O‘zbekiston Respublikasi Prezidentining Qo‘shrabot tumanidagi Xalq qabulxonasi mudiri B.Yusupovning “Tadbirkorlikni rivojlantirish, aholi bandligini ta’minalash va kambag‘allikni qisqartirish masalalari bo‘yicha MFYlardagi hokim yordamchilari faoliyatining natijadorligini o‘rganish, o‘rganish natijalari holati haqida” axboroti ma’lumot uchun qabul qilinsin.

2.Tumandagi tadbirkorlikni rivojlantirish, aholi bandligini ta’minalash va kambag‘allikni qisqartirish masalalari bo‘yicha mahalla fuqarolar yig‘inlaridagi hokim yordamchilarga:

- O‘zbekiston Respublikasi Prezidentining 2021-yil 3-dekabrdagi “Mahallada tadbirkorlikni rivojlantirish, aholi bandligini ta’minalash va kambag‘allikni qisqartirish masalalari bo‘yicha hokim yordamchilari faoliyatini tashkil etish chora-tadbirlari to‘g‘risida”gi PQ-31-soni qarorining 18-bandiga asosan hokim yordamchilari faoliyatini samarali tashkil etilishiga yetarlicha amaliy yordam ko‘rsatish;

- aholi e’tirozlariga sabab bo‘layotgan muammolarni joyida o‘rganib ijobiy hal etish choralarini ko‘rish orqali aholi murojaatlarini kamaytirishga erishish;

- mahallalardagi ishsiz aholini ish bilan ta’minalash, ularga doimiy daromad manbaini yaratishga ko‘maklashish uchun ustuvor ravishda mahallalardagi muvaffaqiyatga erishgan tadbirkorlik subyektlari bilan hamkorlikda faoliyatini olib borish tashkil etish;

- ajratilgan resurslardan samarali foydalanish yuzasidan doimiy monitoring amalga oshirib borish;

- mahalliy byudjet daromadlarining orttirib bajarilgan qismidan mahallalardagi muammolarni hal etishga yo‘naltirish bo‘yicha takliflar kiritib borish;

- Bandlik va mehnat munosabatlari vazirligining Bandlikka ko‘maklashish davlat jamg‘armasi va Jamoat ishlari jamg‘armasi, Fermer, dehqon xo‘jaliklari va tomorqa yer egalarini qo‘llab-quvvatlash jamg‘armasi, “Ayollar daftari” jamg‘armasi, “Yoshlar daftari” jamg‘armasi hisobidan tadbirkorlik faoliyatini yo‘lga qo‘yish, o‘zini o‘zi band qilish va ish bilan ta’minalash uchun ajratiladigan subsidiyalar haqqoniy egalariga yetib borishida hamda amalga oshirilgan ishlar to‘g‘risida O‘zbekiston Respublikasi Prezidentining Samarkand viloyati Qo‘schrabot tumanidagi Xalq qabulxonasiga ma’lumot taqdim etilishi vazifasi yuklatilsin.

3. Mazkur qaror bajarilishini nazorat qilish O‘zbekiston Respublikasi Prezidentining Qo‘schrabot tumanidagi Xalq qabulxonasi mudiri (B.Yusupov), xalq deputatlari tuman Kengashining Qonuniylikni ta’minalash va korrupsiyaga qarshi kurashish masalalari bo‘yicha doimiy komissiyasi (A.To‘xtarov), tuman sektor rahbarlari, tuman hokimining barcha o‘rinbosarlari zimmasiga yuklatilsin.

Tuman hokimi



X.Okbutayev